

P. 109. Cf. 1112. 1

Р 119

образца за Кален. К

ІКАТИСТЪ И ПАРАКЛИСЪ

свато́мъ великомѣченикѣ, иже во царѣхъ сѣрвскихъ

СТЕФА́НУ ДЕЧА́НСКОМУ,

соверша́емый на вса́кїй слѣчай.

Изданный трудомъ и насто́аніемъ о́тца

СЕРА́ФИМА ХРИ́СТИЧА,

Іеромона́ха и скевофілакса сватыа обители Дечанскїа:

иждивеніемъ же господина

ХАЦИ ГРИГО́РИА НИКОЛА́ЕВИЧА,

архимандрита тоа́жде обители и братїи егѡ: о́тца АНТИ́МА АРСЕНІ́ЕВИЧА,
Насто́ателя и о́тца АГАТА́НГЕЛА ХРИ́СТИЧА, епі́тропа.



Св. Стефан

Въ БѢЛГРАДѢ, 1957

Въ Печáтнн Кнáжества Сѣрвїи.

1850.

0117

ВЫПУСК № 1

№ 173808



С. ПЕТЕРБУРГ



**АКАТИСТЪ СВАТОМУ ВЕЛИКОМУЧЕНИКУ, ИЖЕ ВО ЦАРЬХЪ
СЕРВСКИХЪ**

СТЕФАНУ ДЕЧАНОКОМУ.

СТИХИРЫ ГЛАСЪ Д. ПОДОВЕНЪ: ЗВАНЪ СВѢЩЕ.

Иже вѣшнаго ѿсіаніемъ оудчѣвый званіа,
егда чѣственнѣй свѣтъ молашеса тебѣ, терпѣли-
водѣшии страсти претерпѣ: тогда паче на надеждѣ
неклониши возрѣаз еси, ѿнюдѣже неизреченна те-
бѣ дадеца благодать. хрістосъ единый дародатель
и оумный свѣтъ въ души твоѣй возсіа: паче во
камене сапфіра паметъ твою прослави и къ ликѣ
мучениковъ пристави, съ нимже молиса емѣ, спа-
сти души наша.

Иже тезоименитъ вѣнценосецъ нареченъ въ крѣсть мѣчениче вѣнченосче Стефане, егда божественною любовію оуазвѣса, еретіки во изгнаніи прогонаше, тогда ѿ твоаго страданія христосъ ѿсцѣляетъ. живоначальною десницею тебе вѣнчаетъ, ѿ насъ тебѣ крѣпость подаваетъ. рака бо мощей твоихъ всѣхъ къ себѣ привлече, ꙗкоже магнитъ желѣза естество, ѿ насъ ликъ мѣчениковъ пристави, съ нимже молиса спастиса душамъ нашимъ.

Иже божественныа благодати ѿ силы ѿполнившиса, тлѣннаа нетлѣнными измѣнилъ еси. егда же тлѣннѣю славою посрамилъ еси, тогда силою святаго дѣха пріалъ еси дѣйство остротою смысла, ѿ божество слова единосѣцное ѿповѣда, пагубныа ереси низлагая ѿ сѣма благочестіа возсѣвая, мѣченіемъ просіалъ еси славу, ѿ ликъ мѣчениковъ предстоиши, съ нимже молиса спастиса рабѣмъ твоимъ невредно.

Слава: гласъ є.

Прїидите вси концы зѣмни, сошедшеса дѣховно торжествѣмъ паметъ великомѣчника Стефана, ѿ рѣками ѡсломски восплещимъ, ѿ цвѣты словесными гласѣ егѡ оувазѣмъ. сѣй бо ꙗко добръ воинъ воинствова на велїара мѣсленнаго ѿ сего законъ

низложи. ѿже вѣнецъ тлѣнный нивчтоже влѣн-
 ша ѿ обоюдъ нетлѣнный наследовавша. ѿже въ
 недѣлѣхъ врача, сѣрвской зѣмли помощника, ѿ ѿже
 всю вселенную назирающа. ѿже въ бѣдахъ избави-
 теля, сопротиващымся казнителя страшнаго. ѿже
 побѣдѣющымъ спѣтника. ѿже всемъ скорѣе из-
 бавленіе. ѿже всемъ вездѣ предстаѣтеля. тѣмже по-
 хвалающе его сице рцѣмъ: вѣнченосче Стефане,
 предвари, ѿ гакъ предстоѣ престолѣ всехъ царя,
 молиса емѣ въиш, избавитиса намъ ѿ настоѣщїа
 нѣжди ѿ спастиса стѣдѣ твоємѣ неприкосновенно.

И нынѣ Богородиченъ:

Блажимъ та богородице дѣво, ѿ славимъ та
 вѣрнїи по долгу. градъ непоколебимый, стѣнѣ не-
 шворимю, твердїю предстаѣтелици ѿ приѣжице
 дѣшъ нашихъ.

На стиховнѣ стихїры гласъ ѿ. подобенъ: ѿ
 преславногѣ чюдесѣ:

ѿ преславногѣ чюдесѣ! мѣченикомъ ѿщникъ
 зѣмный вѣнценосецъ Стефанъ всенрадный, стра-
 данїемъ великоврашеный, поправый тмы нача-
 ника по неизреченномѣ ти милосѣрдію владыко,

И́мже хрїстѣ спаси́ дѣшы́ на́ша, ꙗ́кѡ є́ди́нъ ми́-
лосердѣ.

Стѣхъ: Пра́ведникъ ꙗ́кѡ финїѣкъ процвѣтѣтъ :
 ѿ пресла́внагѡ чѣдесе́! мѣченической приспѣ́ праз-
 дникъ, вселѣннаѧ оукраша́ется, ѡло́мски течѣтъ
 похвалити Стефа́на, до́блага мѣченника, ѿже по те-
 бѣ́ сло́ве пострада́вша: ѿ несказаннагѡ твоегѡ
 милосердіа влады́ко, и́мже хрїстѣ спаси́ дѣшы́ на́-
 ша, ꙗ́кѡ є́ди́нъ ми́лосердѣ.

Стѣхъ: Наса́ждени въ до́мѣ господни:
 ѿ пресла́внагѡ чѣдесе́! ѿже добродѣтелию ис-
 полненъ ѿ милосткінею ѡграждѣнъ, ѿ ны́нѣ вѣн-
 цемъ мѣченїа оукрашенъ, ѿ славою нетлѣнїа ѡдѣ-
 анъ, чѣдесъ мно́гихъ ны́нѣ источа́етъ. ѿ неизре-
 ченнагѡ милосердіа твоегѡ влады́ко, и́мже хрїстѣ
 спаси́ дѣшы́ на́ша, ꙗ́кѡ є́ди́нъ ми́лосердѣ.

Сла́ва : гласъ 5.

Истиннѣю ча́шѣ испївъ ѿ своїхъ кро́вей, все-
 чѣстне Стефа́не, болѣзней мно́гихъ претерпѣлъ єси́
 ѿ своїхъ о́чесъ изводѣніе, тѣ́мже въ заточѣніи бо́л-
 ше возсі́алъ єси́, самодѣржца оувѣща́а єретики
 прогна́ти, ѿ къ запа́дѣ возвра́ща смѣ́рть пода́лъ
 єси́ непра́веднѣю, ѿ ны́нѣ съ мѣченики водвора́еши-

са, предстоа престолѣ хрїста всѣхъ цара, егѡже
 молї прилѣжнѡ, сохраниса намъ невреднымъ, и
 вѣрномѣ твоємѣ стадѣ ѿ всакиа напастї, и спастї-
 са всѣмъ намъ.

И нынѣ Богородиченъ:

Богородице, ты еси лоза истинна:

Тропарь гласъ ѿ:

Повелѣнїе прїалъ еси паче оумѣ, представъ ско-
 рѣе въ домѣ божїи, и гакѡ маслина ѡаломски на-
 садїса богоблѣженне Стефане, напитася неизречѣн-
 ныхъ свѣтлостей: пѣтъ бо по хрїстѣ възѣ мѣче-
 нїа прошѣлъ еси. сегѡ ради оужасомъ зовѣмъ ти:
 радѡйса мѣченикѡвъ оукрашенїе.

Слава и нынѣ Богородиченъ: Повелѣнное тай-
 нѡ прїемъ въ раздѣлѣ:

Канѡнъ мѣченикѣ, ѿмкїи краегранесїе тропарное:
Тевѣ приносїмое нынѣ прїимї хваленїе.

Гласъ д. Пѣснь а. ѿрмосъ: ѿ вѣрзѣ оуста моѣ.

Танъ божественныхъ вѣлъ еси зрїтель, мѣче-
 нице, кровїю страданїа гавльса оукрашенъ, Стефане,
 живодателною десницею вѣнчавѣмъ, представъ
 еси бѡгѣ съ мѣченики, съ нїмже воспѣвѣши то-
 го божество.

Егѡже возжелѣвъ блаженства, получилъ еси сла-
вне. и ѿкъ мѣченикъ съ мѣченики имѣа дерзно-
веніе, молиса непрестанно ѡ насъ, избавитиса на-
шества гѡзика и напрасныа смѣрти горкіа.

Слава:

Божіею славою предобрѣнъ показавса вѣнченосче
Стефане, на высѡтѣ добродѣтелей возшелъ еси,
ѡнѡдже и насъ назирай, избавитиса намъ дв-
шестѣннаго спостѡта и наследовати съ тобою
тамѡшнаго наслажденіа.

И ныне:

Единаго ѡ трѡицы родила еси, въ лѣто без-
лѣтнаго, сына во двою естество познаваемѡ, егѡ-
же моли съ мѣченикомъ богородице пренепорѡчнаа,
избавленіе испослати ѡ находящихъ вѣдѣхъ, и лю-
демъ и цѣрквамъ дати миръ и единомышленіе.

Пѣснь г. ірмосъ:

Твоа пѣснословцы богородице:

Принеслъ еси себѣ жертвѣ живѣ и ѡдшешевленнѣ
бѡгови, егѡже ныне чистѣе зриши и вѣчно съ
нимъ царствещи: тѣмже всесвятѡе ти празднѣ-
емъ торжество, свѣше насъ заступай поющихъ та.

Радуйса къ премірнымъ ликомъ прешѣдый,
идѣже зриши гаснѣ трипостасное божество, еже

ВЪ НѢЖДѢ СКІЙ И ВЪ ЗАТОЧЕНІИ ШСЛѢПЛЕНЪ ПРОПО-
ВѢДАЛЪ ЕСИ, ВОЛКИ ШГОНАА Ш СТАДА БЛАГОЧЕСТІВЫХЪ.

ГЛАВА:

ИЗБАВИ НАСЪ МЪЧЕНИЧЕ БЛАЖЕННЕ, ВСАКАГШ НА-
ВѢТА ЛЖКАВАГШ, ВЪ ТЕБѢ ИМЪЩИХЪ НАДЕЖДА И ОУ-
ТВЕРЖДЕНІЕ, ГЪКШ ИМѢА КО ВЛАДКЦѢ ДЕРЗНОВЕНІЕ Ш
ВСЕГДА ПОЮЩИХЪ ТА БОГОВАЖЕННЕ СТЕФАНЕ.

И НЫНѢ:

НАШЕ ТЫ ЗАСТЪПЛЕНІЕ ЕСИ ПРЕЧИСТАА, И КЪ БО-
ГЪ БЫЛА ЕСИ СМІРЕНІЕ, ГЪКШ ДА ХОДАТАЙСТВОМЪ ТВО-
ИМЪ СПАСАЕШИ РАВСКИ ТЕБѢ ПРИПАДАЮЩИХЪ, МАТИ
БОЖІА, СЪ МЪЧЕНИКОМЪ МОЛІСА, ДАРОВАТИ МІРЪ РА-
ВШМЪ ТВОИМЪ.

СѢДАЛЕНЪ: ГЛАСЪ Д. ПОД. ОУДИВИСА ІУСИФЪ:

ДОВОДОУТЕЛЕЙ ВОЗСѢДЪ НА КОЛЕСНИЦѢ, ОУМНЫА
ЧИСТОТЮ ПРЕЗІДЕ СІЛЫ, ЧѢДНШ ПРОСІАВЪ ГЪКОЖЕ
ДРУГОЕ СОЛНЦЕ, И СТРАДАЛЦЕВЪ ОУКРАСИЛЪ ЕСИ ЧІНЫ.
ТѢМЖЕ ТОЧИШИ ИСЦѢЛЕНІА. РАКА ВО МОЩЕЙ ТВОИХЪ
ГЪКОЖЕ РАИ ГЪВИСА, ЮЖЕ ШБЕМЛЮЩЕ СПАСА ВЕЛИЧАЕМЪ.

ГЛАВА И НЫНѢ БОГОРОДИЧЕНЪ:

ПѢСНЬ Д. ІРМОСЪ:

СѢДАИ ВО СЛАВѢ:

Ш СОКРОВИЦЪ НЕИСЧЕРПАЕМЫХЪ ШБРѢТЕ БОГАТ-

ство рѣзѣма, и жаждущихъ напоилъ еси обильно:
рака бо твоѧ гависа честнѣйша камене сапфіра,
всехвалне Стефане, юже цѣлѣемъ радующеса.

Славы нынѣшнѧ нивчтоже влѣнилъ еси, кз
бѣдущей славы всегда зра. тѣмже ѧкш ѧмаши
дерзновѣніе ко владыцѣ, царствѧ вкисрз ѡбщникъ
показаса, ѡ насъ моли всеблагенне Стефане, избави
вннса намъ ѡ настоѧща нѣжды.

Слава:

Истиннѣю чашѣ ѡ своихъ страданіи почерпъ,
тѣмже на небесѣхъ доброты мысленныа оузрѣвъ,
царевн же нынѣ всѣхъ предстоѧ молиса ѡ насъ
мѣчениче. рѣзѣ бо тебѣ иногш ходатаа кз немѣ
не ѧмамы: еси бо намъ крѣпкое оутвержденіе.

И нынѣ:

Мати слова божѧ гависа иже прѣжде вѣкз ѡ
отца рожденнагш, и сего безсѣменнш породѧ. подз
лѣтомъ вх лѣто насъ ради вѣвша челоуѣка. егѡ-
же моли богороднице со страдалцемъ твоимъ оуми-
рѣти мѣрз и спасти дѣшы наша.

Пѣснь ѣ. ірмосъ: О ужасошаса:

Швуродѣвшихъ рѣзѣмомъ ересей ты ѡвш ѧкш
мечемъ слова копїемъ пронзилъ еси, и проповѣ-

давъ ꙗснѡ господне прешбраженіе, неразлѣчнѡ просвѣтиса ѿ негѡ тамошнею славою, ꙗкѡ проповѣдникъ истинный.

Ѹмже предстоѣтъ со страхомъ вѣшная ликостояніа, томѹ и ты нынѣ съ мѣченическими лики предстоиши. вмѣстѡ царствіа тѣннагѡ небесное наследовалъ еси, ꙗвѣ исписавъ себѣ ризѹ божественныа благодѣти присноблаженне Стефане.

Слава:

Недѹги ѡгналъ еси, слѣпымъ прозрѣніе даровалъ еси, болѣзнію лютою ѡдержимыа ходити сотворилъ еси, и глѹхимъ оуши ѡверзъ и илсѡхшыа илцѣлилъ еси рѹки: такѡ та Христѡсъ прославилъ естъ.

И нынѣ:

Недостѡйнѣ нынѣ, пречистомѹ ти ѡбразѹ припадающе, ѡставленіа грѣхѡвъ подѣти молимса богородице, и со страдалцемъ Стефаномъ во всѣхъ нѹждахъ ѡ тебе спасеніа полѹчѣти: ты бо еси намъ заступленіе.

Пѣснь ѿ ірмоу: Божественное сїе:

Ѹкѡ подобникъ своемѹ владѣцѣ бѣвъ всеизрядный, скрѣжали въ сѣрдцѣ сѣ благодѣтныа воспрїимъ

ѣвлѣніемъ николаа, и стѣзи прѣвья оуготоваахъ еси, свѣше благодѣть пріемь, чюдотворче преславно.

Похвалѣ мѣчениче возсилаемъ иже тебѣ преславно прославашемъ, и нетлѣнїа вѣнцемъ оукрашившемъ, егѣже моли богоблаженне Стефане, избавитиса намъ ѿ нахожденїа ѣзѣкшвхъ.

Глѣва:

Радостно со ѡнгелскими лики, ѣкш мѣченикш ликѣши, сз нїмиже ѿ насъ богу молиса, избавитиса лѣкавагш навѣта и горкагш безбожныхъ ересей нашествїа.

И нынѣ:

Исаїа тѣ проповѣда клѣщѣ оугла божественнагш, и зъ тебѣ родитиса хотѣща неизреченно: егѣже въ послѣднѣа пріемши, породѣ дѣво богородице. сего моли сз мѣченикомъ твоимъ ѿ свѣкїа нѣжди спастиса рабшмъ твоимъ.

Кондакъ, гласъ и:

Возбранномъ ѿ всѣхъ и и зацномъ повѣдїтелнѣа, ѣкш избавлшеса ѿ злїхъ благодарственнѣа восписѣтш тѣ церковь твоѣ мѣчениче: но ѣкш имѣа дерзновѣнїе кз богу, ѿ всѣкихъ насъ вѣдз своводѣ да зовѣмъ тѣ: радѣиса царю Стефане, мѣченикшмъ оукрашенїе.

Ікóсз:

Ангелшмз, ѿ апóстолшмз, ѿ мѣченикшмз скрòв-
 наго кїи азкїкз довлѣтз ѿзрещїи, ѿже со сїми
 водворáющагоса; ѿли кїа оустнїи ктò довлѣтз
 ѿвѣрсти; кáкш нїнѣ восхвалїти тà обїаннїи чѣ-
 дескї превосходáщс; тѣмже гáкш ѿ недòзмѣнїа
 ѿбдержїми, такòваа тебѣ зòвемз: радѣса ѿ бла-
 гочестївагш корене благочестїваа ѿрасле. радѣса
 благоухáнный цвѣте, процвѣтшїи гáкш фїниксз.
 радѣса оумножївїйсá гáкш кедрз вл ливáнѣ. ра-
 дѣса красївїи червлéностїю шїпче ѿ стрáднїа.
 радѣса добродѣтелей воздѣлáнїе краснѣйшее. ра-
 дѣса своей обїтели пердшїмое ѿстѣнѣнїе. радѣса,
 гáкш тлѣннаа нивчтòже влѣнїлз єси. радѣса до-
 брымз дѣлшмз стрóителю. радѣса вселéннѣи оу-
 крашѣнїе. радѣса сладкоухáнный ѿ благоухáнный
 мѣсленный крїне. радѣса надѣждо на тà надѣю-
 щихса. радѣса вл бѣдáхз скòрїи помòщнїче.
 радѣса царю Стефане, мѣченикшмз оукрашѣнїе.

Кондáкз ѿ.

Видѣнїа сваткїхз єще вл житїи цѣломѣдрен-
 нш созерцáлз єси, ѿ наслаждѣнїи вѣчнїа жїзни
 прїснш повчáлса: сегò ради преслáвнїхз чдѣсз

шванстáвса сїáнми, бóжїмъ заповѣдемъ вѣнѣ по-
 зчївкїйса, зовкїй кз немѣ: а́лліа́діа. **Ікóсз:**

Мїсленнїй рáзвмъ сѣрдца кз вѣшнѣй сѣни оу-
 тверждаа, предварїти нетлѣнными тлѣннаа, ѿ вѣ
 заповѣдехъ господнихъ всегда пребывати, ѿ оупо-
 ванїе ненадеждно ѿмѣти кз немѣ. тѣмже ѿ ю насъ
 слѣшиши: радѣйса боговоздѣланный клáсе. радѣйса
 вѣрныхъ оутвержденїе. радѣйса трисїáннагш боже-
 ства вистрозрїтелю. радѣйса безбóжныхъ вáрваршв
 низложїтелю. радѣйса, їакш настоáщихъ презрѣл
 еси. радѣйса блáгъ вѣчныхъ наслѣдниче. радѣйса
 цѣркви своеа дóброе оукрашенїе. радѣйса мечѣ на
 враги обоюдѣ острый. радѣйса ерѣтїкшв гонїте-
 лю. радѣйса трóнцы побóрниче. радѣйса, ѿмже оу-
 красїса западъ. радѣйса, ѿмже сїáютъ востóчнаа.
 радѣйса царю Стефане, мѣченикшмъ оукрашенїе.

Кондакъ г.

Сїлою дѣха сватáгш оукрѣпївса, мїсленныа
 враги низложїлъ еси, ѿ вѣ законѣ господни под-
 чáвса прїснш, ѿ вѣнѣ кз немѣ оумомъ бóдрствѣа,
 зовкїй всегда: а́лліа́діа. **Ікóсз:**

Имѣа богопрїáтное вѣ дѣши селенїе, неразлѣчна-
 гш божества пребыва́лице їавїса зѣница сѣрдца

ТВОЕГѠ, ѢЖЕ ЧИСТѢ ОУТВЕРДИ КЪ СОТВОРШЕМЪ: МЫ
 ЖЕ СИЦЕВАА ТЕБѢ ВѢЩАЮЩЕ ГЛАГОЛЕМЪ: РАДЫСА МИ-
 ЛОСТИ ПОДАТЕЛЮ. РАДЫСА СКІРИХЪ ОУТѢШИТЕЛЮ. РА-
 ДЫСА НИЦЫМЪ ПОДАТЕЛЮ. РАДЫСА БОЛѢЩИХЪ ВРА-
 ЧЪ ВСЕИЗРАДНЫИ. РАДЫСА ВѢСШВЪ ПРОГОНІТЕЛЮ. РА-
 ДЫСА СОПРОТІВНЫХЪ КАЗНІТЕЛЮ СТРАШНЫИ. РАДЫ-
 СА ОБИТАЛИЩЕ ПРЕСВАТАГѠ ДЪХА. РАДЫСА СКОРОЕ ВЪ
 НЪЖДАХЪ ИЗБАВЛЕНІЕ. РАДЫСА СВАТІТЕЛЕМЪ ДОБРОЕ
 ОУКРАШЕНІЕ. РАДЫСА МОНАХШВЪ ПОХВАЛЕНІЕ. РАДЫСА
 НАДЕЖДО ВСѢХЪ ОУПОВАЮЩИХЪ НА ТѠ. РАДЫСА ЦАРЮ
 СТЕФАНЕ, МЪЧЕНИКШМЪ ОУКРАШЕНІЕ.

ВОНДАКЪ Д.

ВЪ РЮ ВНДТРЪ ИМѢА ЛЪЧШАГѠ ПОЛОЖІТЕЛА, І ЦѢ-
 ЛОМЪДРІИ ЖІТИ ИЗБОЛНАЪ ЕСИ, КЪ ВЪДЪЦИЕЙ СЛАВѢ
 ВСЕГДА ЗРА: ОУВѢДѢ ЖЕ ИСКѠМАГѠ, ЗОВЫИ ЕМЪ:
 АЛНАДІА.

ІКОСЪ:

ГЛКІШАВШЫМЪ ВО ПЛОТИ ХРІСТОВО ПРИЩЕСТВІЕ
 БКІВШЕЕ ИЗВѢСТНШ ПРОПОВѢДАЪ ЕСИ, И ПЕРВОМЪЧЕНИ-
 КА СТОПАМЪ ПОСЛѢДОВАВЪ МЪЧЕНІА ВѢНЦЕМЪ ОУАЗ-
 ВІЛСА ЕСИ: СЕГѠ РАДИ ТЕБѢ ЗОВЕМЪ: РАДЫСА НКІ-
 НѢШНЕЕ МЫСЛЕННОЕ НАШЕ ПРЕСТАТЕЛСТВО. РАДЫСА,
 ГѠКШ МНОЖЕСТВО НЕВѢРНЫХЪ ТОВОЮ ПОСРАМАЮТСА.
 РАДЫСА ТВѢРДОЕ НЕ КРѢПКИХЪ ОУТВЕРЖДЕНІЕ. РАДЫ-

са дѣвственикшвз цѣломѣдріе. радѣйса старымз
подпорѣ. радѣйса юнкыхз наказателю. радѣйса мла-
денцемз хранителю. радѣйса, тобою бо многыхз
избавихомса злѣбз. радѣйса шсвобожденіе наше вз
напастехз. радѣйса преноточный источникче. ра-
дѣйса нестоцимкихз чѣдесз бездно. радѣйса не-
щщихз тебѣ прилѣжный вз вѣдахз швртателю.
радѣйса крѣпкое наше на тѣ оупованіе. радѣйса
царю Стефане, мѣченикшмз оукрашеніе.

Кондакъ ѿ:

Боготочный источникз пріснш видѣвз, сегш
послѣдовалз еси теченію, и іакш сапфирз шбли-
стѣвса житіемз, достиже непостижимаш мѣчениче,
зѣвый емѣ: аллилуіа.

Ікосъ:

Видѣвз мкісленными очима вѣдѣще тѣ благо-
дѣтелство, скоростію потече ко терпѣнію вз стра-
даніихз и по хрістѣ бѣзѣ мѣченію, шблестѣвз чѣ-
десами. мкі же оусѣрднш сѣѣ тебѣ глаголемз: ра-
дѣйса шрасле, неввадемагш цвѣта. радѣйса корене
свѣтѣйшагш прозвѣненіе. радѣйса вѣнне царѣ хрі-
ста, радѣйса иноплемѣнникшвз низложителю. радѣй-
са чѣдотворче воистинѣ. радѣйса немолчнаѣ ластѣ-

вице цѣркве. радѣйся о́ргане гаснѣйшій. радѣйся сла-
вѣю многогласнѣйшій. радѣйся пастырю добрый, по-
ложивый дѣшѣ ѿ о́вцахъ. радѣйся похвалѣ сѣрвскаа.
радѣйся дечаншмъ многоименитое честислѣвѣе. ра-
дѣйся царю Стефане, мѣченикшмъ оукрашенѣе.

Кондакъ ѿ:

Проповѣдника истины божественнаа восхвалимъ,
нынѣ скончавша страданѣа теченѣе, и ереси ѿ-
тѣдѣ ѿгнавша, и сѣхъ невѣдащихъ ѿставаща, гакъ
благдѣвныхъ: а́ллилуѣа.

Ікосъ:

Возсѣалъ еси ѿ востока къ западшмъ, мыслен-
ное со́лнце благочестѣа, ѿзаривъ вселеннѣю мѣче-
нѣа терпѣнѣемъ. тѣмже свѣтомъ моцѣей твоихъ
ѿсѣлемѣи вопѣемъ ти: радѣйся, иже господнею лю-
бѣю оуазвлѣнный. радѣйся, иже стрѣи истѣчника
благодуханнагш ѿмѣа. радѣйся, искоренивый всакий
лѣкавствѣа вѣдѣ. радѣйся иноколѣнныхъ безбож-
никъ наглость ѿгнавый. радѣйся болащымъ исцѣ-
ленѣа подаваай незавѣстнш. радѣйся непреклонный
своей цѣркви и оутвержденный стѣлпе. радѣйся ве-
ликий истины проповѣдниче. радѣйся светныхъ со́нмъ
дѣрзостнш ѿбличивый. радѣйся вѣры и силы бо-

жѣственныа благодати исполненныи. радѡйсѧ зарѣю
 благочестїа просвѣтивыисѧ. радѡйсѧ, ѣкѡ ѡсващѧ-
 еши мїра концы. радѡйсѧ нескѣпный нашъ хранї-
 телю. радѡйсѧ царю Стефане, мѣченикомъ оукра-
 шенїе.

Кондакъ 3.

Хотѧщъ тѣ преставитсѧ ѡ нѣнѣшнаго вѣка
 прелестнаго, третїе пакѣ явлѧетсѧ тѣ великїи ни-
 колѧй, ѣкѡ богъ оугодїлѧ еси, ѣкѡ истинный про-
 повѣдникъ. мы же дїващесѧ твоѣй бѡдрости со-
 тщанїемъ зовѣмъ: ѧллилуїа.

Ікосъ:

Нобѧго завѣта показѧсѧ велегласный проповѣд-
 никъ, рѡждшагосѧ ѡ дѣвы божественное преш-
 браженїе истинно проповѣдавъ, тѣмже ѧ мы тебѣ
 сице зовѣмъ: радѡйсѧ, ѧже свѣтолѣчными зарѧми
 свѧтѧго дѡха просвѣщѧемъ. радѡйсѧ, ѣкѡ пред-
 стѡиши владѣцѣ всѣхъ вѣнцѣмъ страданїа оукра-
 шенъ. радѡйсѧ, ѣкѡ сподѡбисѧ зрѣти страстополож-
 ника славне. радѡйсѧ ѡбличивый крѣпко безбожїе.
 радѡйсѧ ѧнгеломъ собесѣдникѣ. радѡйсѧ, ѧже богѧ-
 тыми дары цѣрковь исполнивый. радѡйсѧ, ѧже мї-
 ра концы ѡсващѧеши чѡдесы. радѡйсѧ ѧже мѣры

оухаа, дѣховнаго благоуханіа. радѣйся, иже ѿ
 бѣдъ, и вѣри, и огня избавленъ. радѣйся, иже
 ангеломъ подобникъ бывъ. радѣйся христовымъ
 стопамъ послѣдовавый. радѣйся, иже по христѣ
 подѣмъ смѣрть неправеднѣю. радѣйся царю Сте-
 фане, мѣченикомъ оукрашеніе.

Кондакъ ѿ:

Страстноѣ видѣвъ мѣрскоѣ пристрастїе, оумъ
 къ небесѣмъ преложилъ еси. сегѡ ради высокъ гав-
 вѣса смиреномѣдрїемъ, хотѣ привлещи себѣ ко пре-
 мѣрнымъ силамъ и пѣти съ ними: аллилуїа.

Ікосъ:

Вѣсѣ вдѣла еси чистотѣ и цѣломѣдрїю, гавко-
 же іосифъ, иже во египтѣ пребывавый, и тѣбѣ
 ѹбш нивотѣже вмѣнилъ еси: сегѡ ради гавѣса
 вѣнцѣмъ страданїа оукрашенъ. мы же нкнѣ по-
 тщавшеса ѿ оусѣрдїа такова тѣбѣ вѣщати и гла-
 гѡлати: радѣйся сокровище божественныхъ даро-
 ванїй. радѣйся истинны рачителю и закона извѣст-
 ный хранителю. радѣйся ѡбличивый тмы нача-
 ника. радѣйся, иже люта вражїа посрамивъ ѡпол-
 ченїа. радѣйся христіаномъ стѣна и твѣрдое застѣ-
 пленїе. радѣйся божественнаго свѣта свѣтилниче.

ра́дѡйа пренспещрѣнныхъ свѣздъ свѣздò ꙗснѣйшаа.
 ра́дѡйса, ꙗкѡ лю́тѣ претерпѣ ꙗзводѣнїа ѡчесъ. ра́-
 дѡйса, ꙗкѡ ꙗ въ заточѣнїи претерпѣ страданїа,
 свѣта ѡчесъ лишáемый. ра́дѡйса, ꙗкѡ къ вѣчнѣй
 жїзни премїндъа єси. ра́дѡйса, ꙗже свѣше прїемый
 вѣнѣцъ побѣды. ра́дѡйса, ꙗкѡ бїстрѣе зрїши три-
 гпостáсное божество. ра́дѡйса царю Стефане, мѣ-
 ченикъмъ оукрашенїе. **Кондакъ ѡ:**

Вса́ко е́стество а́нгелское, оудивилъ єси твоѡмъ
 терпѣнїемъ, непристѣпнаго бо бо́га прїснѡ ꙗкѡ
 зрà, пристѣпаша всѣмъ челоуѣкъмъ, ꙗ плòть прї-
 емша насъ ради ꙗ ѡ всѣхъ скїшаца: а́ллилѡїа.

Ікосъ:

Вытїамъ многовѣщаннымъ оуподобилса єси,
 заградївъ оуста врагъмъ, разумомъ ѡбюродѣв-
 шымъ. мѡ же твоємѡ дерзновѣнїю дивáщеса во-
 пїемъ: ра́дѡйса, пѣтѣмъ господнимъ ѡ млада́нства
 шествовавый. ра́дѡйса, ꙗже ѡбличївый ерѣтїкъмъ
 совѣщанїа. ра́дѡйса цѣлѣбный истòчниче. ра́дѡйса
 православіа стòлпе. ра́дѡйса, ꙗже по хрїстѣ пре-
 терпѣвый смѣрть. ра́дѡйса пророкъмъ сосѣлниче.
 ра́дѡйса патріархъмъ оукрашенїе. ра́дѡйса препо-
 добнымъ єдинокрòвне ꙗ праведнымъ. ра́дѡйса ꙗно-

чествующимъ правило. радѣйся безсмертныя жизни
 сподобивыйся. радѣйся, ꙗко съ невественными
 водворѣшися чинми. радѣйся, ꙗже сокрѣшивый
 враговъ навѣты. радѣйся многотекѣщая рѣкѣ, ис-
 ходѣщая изъ мысленнаго едема. радѣйся царю
 Стефанѣ, мѣченикомъ оукрашеніе.

Кондакъ ѿ.

Спѣшемъ мѣрѣ оусерднѣ потечѣ, ѣмѣже само-
 шѣщаннѣ прѣиде ѿ мѣченикѣ показѣся блаженне,
 мѣченикомъ ѡвщникѣ быль еси, сподобився пѣти
 съ ними: ѡллиадѣа. **Ікосъ:**

Стѣна еси своѣй ѡвѣтели, всевлаженне, ѿ всѣмъ
 тебѣ притекающимъ: ꙗво нево ѿ земли творецъ
 показѣль тѣ есть. ѡвѣтель въз тебѣ со скѣномъ ѿ
 дѣхомъ сотвори ѿ всѣхъ тебѣ вѣщати ѿ пригла-
 шати подвиже: радѣйся вѣнцемъ мѣченіа оукра-
 шенный. радѣйся небеснаго царствіа ѡвщниче. ра-
 дѣйся церковное исполненіе. радѣйся ꙗко възиде къ
 зарѣмъ нетлѣніа. радѣйся, ꙗже своєю кровію ѡва-
 гри плащаницѣ на себѣ. радѣйся оученій благона-
 рочитое вѣщаніе. радѣйся вѣрныхъ великихъ дѣлъ
 совѣщаніе. радѣйся, ꙗже боговиднымъ свѣтомъ
 ѡзарѣйся. радѣйся пріемый ѿ гѣспода многосв-

ГВЪЮ ТРДШВЪ МЗДЪ. РАДЪСА СПОДОВІВЫЙСА ЖИ-
 ЛІЦА КРАСОТЪ ХРІСТОВЫХЪ. РАДЪСА, ІЖЕ МІРНИМИ
 ВОНАМИ МІРЪ ІСПОЛНАЙ. РАДЪСА СПОДОВІВЫЙ НАСЪ
 СЪ ВЪРОЮ ПОКЛАНАТІСА РАЦЪ ТВОЕЙ. РАДЪСА ЦАРЮ
 СТЕФАНЕ, МЪЧЕНИКШМЪ ОУКРАШЕНІЕ.

Кондакъ аї:

ПѢНІЕ ПОВѢДНОЕ ТЕБѢ ПРОСТРЕТИ ПОТЩАВШЕСА, І
 МНОЖЕСТВЪ ТВОИХЪ ЧУДЕСЪ ПСАЛОМСКИ ВЪПѢ І ПѢ-
 СНИ, НИЧТОЖЕ СЕМЪ ДОСТОЙНО ТВОРИТИ МОЖЕМЪ.
 НО ПОЮЩЕ ГОСПОДЕВИ ВЪЗЫВАЕМЪ: АЛЛИЛЮІА:

Ікосъ:

СВѢТОПРІЕМНЫЙ ТА СВѢТІЛНИКЪ ВІДИМЪ МЫ-
 СЛЕННЫЙ ІАВЛШІЙСА, І НЕВЕЩЕСТВЕННЫМЪ ОГНЕМЪ
 ВЖЕГШІЙСА, ШЗАРАЮЩЪ ВСѢХЪ РАЗУМОМЪ БОЖЕСТВЕН-
 НЫМЪ І ЗАРЕЮ БОЖЕСТВЕННАГО ДУХА. МЫ ЖЕ ТАКОВА
 ТЕБѢ ЗОВЕМЪ: РАДЪСА, МЪЧЕНИЧЕСКИМИ РАНАМИ ОУ-
 МЪЧЕННЫЙ. РАДЪСА ШБЛИСТАВЫЙСА СВѢТОМЪ НЕТАЛІА
 ПАЧЕ КАМЕНЕ МНОГОЦѢННАГО. РАДЪСА ЛЮТАГО СМІА
 НИЗЛОЖІВЫЙ СИЛОЮ КРЕСТНОЮ. РАДЪСА ІЗБѢГІЙ ГНѢ-
 ЗДА СЕГШ ДУШЕТАЛІАГО. РАДЪСА ШЧАДНЫХЪ ВОЗ-
 ДВИЖЕНІЕ. РАДЪСА ВѢНЦЕМЪ НЕТАЛІА ДЕСНИЦЕЮ ВЛА-
 ДЫЧНЕЮ ВѢНЧАВАЕМЫЙ. РАДЪСА БОЖЕСТВЕННЫЙ КРИНЕ,
 ІСПОЛНЕННЫЙ БОДЫ. РАДЪСА РѢКО, ІСХОДАЩАА ІЗЪ

мысленнаго едема. радъиса столпе огненный, пред-
вѣдай новыя люди. радъиса благочестіа спѣтнице.
радъиса нечестіа гвѣтелю. радъиса царю Стефане,
мъченикъмъ оукрашеніе. **Кондакъ ѿ:**

Благодатію пресвѣтѣйшаго дѣха оумъ просвѣтивъ,
дѣломъ нашимъ грѣховнымъ прощеніа подати
ко владыцѣ молиса. той бо приде на зѣмлю всѣхъ
спасті, ѿ раздрѣвъ рѣкописаніе древнихъ грѣховъ,
слышитъ ѿ всѣхъ: аллилуіа. **Ікосъ:**

Поѣмъ твою пѣмать ѿ восхваляемъ та блажен-
не, ѿкъ твердое еси намъ оупованіе. ты бо по-
ревновалъ еси свѣщенныхъ ѿ богоносныхъ твоихъ
отѣцъ стѣзамъ, ѿ оукрасивса божественнымъ ра-
ченіемъ, навчилъ еси вселеннѣю тебѣ вопіти: ра-
дъиса свѣщенникъмъ радваніе. радъиса страдалцемъ
оудобреніе. радъиса чловѣкъмъ покровѣ ѿ правед-
нымъ. радъиса, ѿкъ наставилъ еси люди своѣ въ
пристѣнице спасеніа. радъиса, ѿкъ попрадъ еси дѣ-
шѣтѣнныя силы. радъиса, потопивый срамну мы-
сленнаго фараона. радъиса слѣзъ нашихъ скорѣ
избавленіе. радъиса смѣртію ѿвѣтѣй безсмѣртнѣю
жизнь. радъиса, ѿкъ тѣнными нетѣннаа до-
стигавъ еси. радъиса нищихъ скорый застѣпнице.

ра́дѡса дѣ́йствиємъ свата́гѡ дѣ́ха за́рею ѡза́ремъ.
ра́дѡса ца́рю Стефа́не, мѣ́ченикѡмъ оукраше́нїе.

Кондакъ г҃и:

Ѹ великое премѣдрѡхъ силъ ѡбщѣнїе, Стефа́не!
на́мъ сладча́йшаа ѿ любѣзнаа вѣще. ничто́же мо́-
жемъ досто́йно принести́ тебѣ, кромѣ́ силъ гра-
не́сей. прї́ими на́ша ны́нѣшнаа приноше́нїа, ѿ мо-
ли́са хрїсто́ви ѡзба́вннса на́мъ ѡ вели́кїа ско́рби
ѿ мѣ́ки, къ немѡ́ вопїю́щымъ: а́ллилуїа.

Пѣснь 3. ірмосъ: Не послѣжиша твѣри:

Милосты́нею ѡ́же къ ни́щымъ се́рдце свое́ оу-
краси́въ, терпѣ́ливѡ подѡ́лъ еси́ страда́нїа Стефа́-
не вѣ́нченосче, ѿ ны́нѣ по́еши: благослове́нъ еси́ го́-
споди́ бѡ́же ѡте́цъ на́шихъ.

Ѹже мѣ́ченическими чї́нми блаже́нне, въ вѣ-
шнѡхъ сла́внѡхъ предсто́иши, ѡвръ́те во ра́зѡмомъ
та́йнѡ божѣ́ственнагѡ ца́рствїа Стефа́не, тобо́ю ны́-
нѣ зрї́мѡю, ѿ ны́нѣ по́еши: благослове́нъ бѡ́гъ
ѡте́цъ на́шихъ.

Гла́ва:

Прї́ими ны́нѣ пресла́вне мѣ́чениче приносї́мое
тѣ́ молѣ́нїе, ѡ́же къ тебѣ́ привѣ́ггаю́щихъ. ты́ бо
еси́ оу́твержде́нїе на́ше ѿ похвалѡ́, богоблаже́нне

Стефане, и столпъ благочестїа, зобыи немолчнш:
 благословенъ божъ отецъ нашихъ. **И нынѣ:**

Роса, юже видѣ гедешнъ на рѣнѣ, провлаше
 рождество твоѣ безъ сѣмене, родила бо еси сына,
 емже поемъ: благословенъ божъ отецъ нашихъ.

Пѣснь ѿ. ірмосъ:

Отроки благочестивыа:

Христóвымъ стопамъ послѣдовалъ еси, и видѣ-
 нїа сваткихъ полчїахъ еси, и ꙗко соудъ позла-
 щенъ ꙗвїса рукамоу твоѣму. былъ бо еси страж-
 дщымъ посещение и нищымъ милостивное зрѣнїе.
 темже побши нынѣ: благословите вса дѣла господ-
 на гóспода.

Высокое ѡка чвственнаго подъ нозѣ покорїахъ
 еси, мысленное къ вкшнимъ шверзъ сердца своего
 Стефане, темже и прїатъ швещанна блага. ра-
 ка бо моу твоѣму сїе мїрови сказдетъ: мѣ же
 господѣви поемъ: благословите вса дѣла господна
 гóспода. **Благословенъ отца:**

Аршмаръ многыхъ исполненна ꙗвїса цѣрковь
 твоа, и мѣщи посреде честное тѣло твоѣ, и благо-
 ханное, ш востока и запада собирающїи насъ на

поклонѣніе рацѣ твоѣй, іакѡ да поѣмъ: благослові-
те всѧ дѣла господна гóспода.

И нынѣ:

Лѣствице восхóднаа на тебѣ оутвѣрждашемса,
ѣюже слóво бóжіе къ намъ снѣде и воплотиса во
оутрѣвѣ твоѣй. ѣгóже моли со страдалцемъ Сте-
фаномъ, избавитиса намъ поющимъ: благословіте
всѧ дѣла господна Гóспода.

Пѣснь ѿ ірмосъ: В сѧкъ земнорóдный:

Ѣмъже предстоѧтъ всѣхъ владыцѣ со стрѧхомъ
вѣшнихъ чиноначаліа, прорóкшъ и апóстолшъ
ликостоаніа. съ нимже томъ и со мѣченики ѡ
насъ молиса, ѡ иже твою свѣтонóснью вѣрши тво-
рацихъ пѧмать.

И иже око видѣ, ни оухо слыша, ни на сѣрд-
це чловѣкѡ възидоша, тѣхъ превзыде лѣчшими на-
слажденми, иже дарова тебѣ владыка твѧри. рака
во моцѣй твоихъ прослависа нетлѣніемъ, ѣйже
покланѧющеса, спаса величаемъ. **Слава:**

И спóлни приносимъю ти мольбъ, имѣа ко вла-
дыцѣ дерзновѣніе, іакѡ воинъ царѧ хрїста, воспре-
щай ѡ насъ безбóжныхъ нахожденіа и во всѧкихъ

нѣждахъ скорѣ предстани вѣнченосче, мѣчениче, и
вѣдѣшагѣ стадо твоемѣ избавитиса мѣченіа.

И нынѣ:

Емманѣила, великагѣ совѣта ангела родила еси
безъ сѣмене плотию, во двою естество, и во двою
хотѣнію, въ единомъ же составѣ. Емѣже съ мѣче-
ники ѿ насъ молиса, избавитиса намъ ѿ совла-
знувъ лѣкавагѣ, да та ѿко богородицѣ величаемъ.

Свѣтилени:

Рѣка ѿвѣса ѿ мѣсленагѣ исходаща едемѣ,
имѣща въ себѣ божественно водѣ, изъ неже
источилъ еси мѣро нетлѣніа. источникъ бо показася
исцѣленіа. тѣмже вѣршъ творѣщихъ пѣмать твою
спасѣи ѿ всѣхъ скорби.

Слава и нынѣ Богородицени:

Твоемѣ пречиста покланѣющеса ѡбразѣ, и къ
семѣ взирающе мѣсленно, едина, пренепорѣчнаа бо-
городице, молимса ти, моли, егѣже родила еси,
избавитиса намъ ѿ гееннагѣ ѡсѣжденіа.

**На хвалитехъ стихіры: гласъ ѿ. подобени: Не-
бесныхъ чинѣвъ:**

Ѿ господа пріемъ свѣше благодѣть, просіалъ
еси ѿкоже солнце. тѣмже нынѣ во твоѣмъ стра-

дании апостоли съ мѣченики радуются, и мы съ ними празднуемъ память твою, оусердно къ раце твоей притекающе. **ДВАЖДЫ.**

Радуется мѣченической соборъ, вселенная оукрашается, зрачи въ многихъ оудивленнаго въ царехъ и мѣченицехъ Стефана вѣнчника, терпеливну подѣмша смѣрть, юже похвалами оублажаемъ.

Приидите нынѣ мысленно, съ мѣченики вси восхвалимъ великаго страдалца, мысленныя превосшедша силы, и сихъ оукрашивша чины. съ нимиже молится всѣхъ владыцѣ, спастися намъ невреднымъ.

ГЛАВА: ГЛАСЪ Д.

Приидите днесь празднующи вси, всечестное торжество мѣчника нынѣ восхалимъ, похвалнаа емѣ восписюще. приидите воскликнемъ со гласомъ скончавшемъ кровью страданія теченіе, и источникѣ, ищѣленія точащемъ нищымъ, и скръихъ питателю, и въ бѣдахъ избавителю. приидите восхалимъ сѣрвской земли оукрашеніе, Стефана великомѣчника, и ѡаломски воспоймъ: радуйся, иже чюдесы всю вселенную ѡзаривый. радуйся верхъ мѣчениковъ оукрашивый. радуйся благочестіа проповѣднице и нечестивыхъ еретиковъ прогонителю. радуйся, под-

ёмкѣ по хрїстѣ смёрть непра́веднѣ, ѿ ны́нѣ ис-
 то́чникъ мїра исто́чай, ѿ незавѣстнѣ исцѣлѣніа
 дара́й. ра́дѣса деча́ншмъ вели́кое оутвержде́ніе,
 похва́ло всеа́ вселѣнныа, Стефа́не всеблаже́нне, мѣче-
 никшмъ единокрѣвнѣ ѿ пра́веднымъ. тѣмже ꙗ́кш
 предста́ престо́лѣ все́хъ ца́ра, моли́са непра́внѣ,
 ѿ ѿже вѣрнѣ твора́щихъ па́мать твою́, изба́ви-
 тиса ѿ всеа́кїа нѣжда, ѿ спасти́са ду́шамъ на́шымъ.

**И ны́нѣ, Богоро́диченъ: А́зкіа, егѡ́же невѣда-
 ше. Та́же: Досто́йно ёсть. ѿ ѿпѣстъ.**





ЧѢСТНЫИ ПАРÁКЛЕСЪ

СВАТѠМЪ ВЕЛИКОМЪЧЕНИКЪ, ꙗже во царѣхъ сѣрвскихъ

СТЕФАНУ ДЕЧАНОКОМУ.

Тропарь, гласъ д̄.

Въ терпѣніи доблестрадалныхъ подвигъ твоихъ многообразныя раны претерпѣла еси, и по кончинѣ своей вѣнецъ ѿ бога съ мѣническими лики воспріемлеши, и въ земли кроткихъ достойно водворѣшися бжєнне: ѿ насъ хрїста бога моли, даровати душамъ нашимъ велию мѣть. **ДВАЖДЫ:**

Слава, и нынѣ: Въ бцѣ:

Тажє: Канѡнъ. Гласъ ӣ.

Пѣснь а̄. ірмосъ: Водъ прошѣдъ:

Многими содержи ми напѣстми, кз тебѣ привѣгѣемъ славне, ѿ хртѡвъ вѡнне, Стефане, ѿ нашедшихъ насъ скорбей сохрани.

Бѣра ѿ матѣжъ вѣліа врагѣа злоначѣлнаго на насъ стѣ подвижеса: но ѿкѣ великоименитъ сегѣ низложи шатѣніа. **Глѣва:**

На црковъ твою ѿ стадо, юже созда ѿ собра, ѿкѣ скѣмни рыкающе напѣстей оустремѣшася, ѿхже посрамѣ до конца. **И нынѣ:**

Отрцы єдинаго мѣти дѣво рѣдши, сегѣ оумоли влчце: црквамъ даровѣти мѣрѣ, ѿ людемъ прощѣніе.

Пѣснь г ѿрмосъ: Нѣнаго:

Цртва носѣ дѣадѣмѣ, дѣа нищетою ѿбогатѣса: тѣмъ ѿ цртво нѣное даровѣ ти са: но не прѣзри стада твоего глѣсы, нынѣ вѣ печѣли сѣцаго ѿ тобою хвалѣцагѣса.

Дѣвное житѣе твоѣ влжѣнне, ѿ преслѣвное терпѣнне, ѿ чѣдеса достослѣвнаа, ѿже стѣкіа твоѣ мѣци содѣлаша: мнози бо твоего стада рѣтницы тобою прѣнѣ казнишася. **Глѣва:**

М гла ѿже ѿ стратѣй оумъ нашъ покрывѣетъ, кѣ свѣтѣ зрѣти не ѿставлѣетъ: но на тѣ надѣемса Стефанѣ, ѿ вѣга дѣти намъ просвѣщѣніе ѿ спасѣніе.

И нынѣ:

Рѣдость тѣвѣ гаврѣилъ принесѣ всецрце, ѿ мѣ зѣмни рѣдость приносимъ тѣ, рѣдѣса, вопѣемъ тѣ,

носило свѣта великаго, емѣже причастники насъ
сотвори, мѣтвами твоими. **Таже Катавѣсія.**

Спаси ѿ вѣдъ рабы твоа, великомѣнче хрѣтовъ
Стефане, ѿкѡ вси по вѣѣ къ тебѣ прибѣгаемъ,
ѿкѡ къ нешворимомѣ столпѣ и прѣстателю нашемѣ.

Таже кондакъ гласъ д. Подобенъ: Вознесѣйся:

Другаго константина стажа та црковь блгочѣ-
стїемъ, блженне, и кротостю, и правдою, и мѣты-
нами: но и великомѣнка и страдалца истинна. тѣм-
же и тобою красѣнса вопїетъ: Стефанъ мнѣ по-
хвала и оутвержденїе.

Пѣснь д. ірмосъ: Оуслѣшахъ Гдн:

Црк и мѣникъ бѣвъ, зритель же нѣнѣ скїй не-
изречѣнныхъ, идѣже и насъ поминѣй.

Врагъ и рѣтникъ рѣда нашегѡ прилоги и сѣти
простыраетъ на насъ, погвѣити надѣаса. **Слава:**

Хвалимса рѣкою моцѣй твоихъ, и красѣмса
Стефане, любовїю цѣлѣюще, и ѡбѣмлюще.

И нѣнѣ:

Кѣпина сказа та бгѡвидцѣ на горѣ бѣце дрѣ-
вле: сохрани бо та емманѣилъ нешпалимѣ.

Пѣснь ѿ ірмосъ: Просвѣти:

Просвѣти насъ мѣтвами твоими ст҃е: ст҃ъ бо предстоиши трисолнечномъ, и даждь мѣрз стадо твоемъ.

Царей оустрашилъ еси, и князей низложилъ еси, и нынѣ на твоѣ стадо ратующыя низложи. **Слава:**

Бѣсове оубоашася Стефане тобою посрамлени, и нынѣ чѣткими мощми твоими прогоняются.

И нынѣ:

Грѣхъ перваго члвѣка Адама въ мѣрз смѣрть внѣсши: твоимъ же рѣтвомъ престѣимъ потребиса вѣце.

Пѣснь ѿ ірмосъ: Мѣтвѣ пролію:

Дары приносѣ Гдѣви, мѣтыни и правосдѣіе, вѣрѣ и несловіе, надежда и любовь, ꙗже прославиша та неплѣнною славою.

Чисто срце соблюдаѣ, и помыслъ неплѣнѣемъ въ тлѣнныхъ и нестоѣщихъ: тѣмже стадо твоемъ въистъ ходатай. **Слава:**

Вѣнцемъ земнаго цртва вѣнчася первѣе Стефане, нынѣ же превлѣнене нѣнаго цртва вѣнцемъ ѿ Хрїста оубазѣса. **И нынѣ:**

Херувїмскаго прѣтѣла ꙗвїса чѣтѣйше чрево твоѣ вѣговѣстїмоѣ вѣгородїтелнице чѣла, вѣкѣ вмѣстївши. **По ѿи пѣснї: Спасї ѿ вѣдз:**

Тажѣ, ѿнз Кондѧкз:

Гласз г. Подобенз: Дѣа днѣсь:

Во црѣхз блгочѣстнш пожнвз ѿ страданїа пѣть
 прошѣдз веледѣшнѣ, ѿ страдалцѣмз равночѣстенз
 вѣнчанникз ѡбнлса ѣси, ѿ црковь твоѧ прославля-
 етз тѧ слѧвнш, стѣими блгвоухаными моцми твои-
 ми ѡсвѣщаема: тѣмже почитаемз, ѿ тайнш вопї-
 емз ти: ѡ вѣдз ѿзбѧви насз мѣтвами твоими
 стѣ. **И прокіменз гласз д. Праведникз ѡкш фї-**
нїзз процвѣтѣтз, ѡкш кѣдрз ѿже вз лїванѣ оу-
множитса. Стихз: Насажденни вз домѣ Гдѧни:
Тажѣ ѣгїѣ, ѡ Матрїа, зачалѣ ѡс.

Речѣ Гдѣ своїмз оучнїкѡмз: сѣ ѡзз посылаю
 васз ѡкш ѡвцы посредѣ волкѡвз: бѣдите оубо
 мѣдри ѡкш змїа, ѿ цѣли ѡкш гѡлѡбїе. внемлите
 же ѡ члѣкз: предадѧтз бо вы на сонмищахз, ѿ
 на собѡрищахз, ѿ бїютз васз, ѿ предз владыки
 же ѿ царї ведѣни бѣдете менѣ радї, во свидѣтел-
 ство ѿмз, ѿ ѡзвнїкшмз, ѣгда же предаютз вы, не
 пецкїтса какш ѿнѣ что возглѣте: не вы бо бѣдете
 глѡщїи, но дхз ѡца вашегѡ глѡшїи вз васз. Пре-
 дасть же братз брата на смѣрть, ѿ ѡцз чѧдо: ѿ
 востанѣтз чѧда на родїтели, ѿ оубїютз ѿхз, ѿ вѣ-

дете ненавидими всѣми ѿмене моего ради, претерпѣвый же до конца, той спасенъ будетъ.

Слѡва: Мѡтвами стѡгѡ великомѡчника краля Стефана, мѡтвѣ: ѡчисти множества согрѣшеній нашихъ. **И нѣѣ:** Мѡтвами Бѣы: **Помилуй ма Бже:** стѣхѣра, глѡсз ѿ.

Днесъ западная страна веселится, мощми твоими красящися, и мы раби твои сѡ ѡбемлюще ѡ дшѣи вопіемъ ти: оугодниче Хртѡвъ, и предстателю теплѣи, црѣю Стефане, не премолчи ѡ насъ моласа Бгѡ.

Пѣснь 3. ірмѡсз: ѡ Івдѣи:

Цртвѣа наследниче и великомѡчиче Стефане, вѣнѣчниче, цртвѣа насъ нбнагѡ сподовѣи, искѡшенѣа избавлаа. Гѣмеѡнѡ сѣлномѡ, и Гѡввѣ сѣѣннѣишемѡ житію, и ѿмени ти печатъ показаса: гѡвѣша бо са мощи твоѡ лѡчахъ солнечныхъ свѣтлѣишѣи.

Слѡва:

Имѣа дерзновѣнѣе гѡкѡ праведнѡ цртвовавъ, и неправеднѡ пострадавъ, стадѡ твоємѡ ѡ Бга просѣмиръ.

И нѣѣ:

Стѣнѡ та хртѣанѡмъ, и надеждѡ спасѣнѣа Бгѡ избрѡ вѡчце: тобою намъ гѡвѣса плотнѡсецъ, падшихъ ѡбразъ собою ѡбновлаа.

Пѣснь ѿ. ірмосъ: Црѣ нѣнаго:

Бз чертѣвъхъ мѣсленныхъ ѿкш великомѣникъ
водворѣдса ѿ ликѣа, поминѣй рабы своѣ, насъ
молѣщихса ти, Стефане.

Красна міра содержѣвъ, жестока ѿ скорьна во
мѣсли побѣдса слѣвне, тѣмже красотѣю воистиннѣ
ѡдѣа тѣа Бѣа нетлѣнною. **Слава:**

Дѣдъ возлюбленномъ ѿ свидѣтелствованномъ ѿ
Бѣа, ревнитель показѣса вѣрою ѿ напѣстми, ты
величѣйшій крещеніемъ ѿ мѣніемъ. **И нѣнѣ:**

Ритуръ многовѣщанныхъ оумъ мракомъ по-
крывѣетса всенепорѣчнаа, зачатіе пребѣтвенное
непостѣгше, оумнымъ сілаамъ непостижимое.

Пѣснь ѿ. ірмосъ: Воистиннѣ:

Лѣвъ дѣгѣбный неистовитса, ѡбходѣ ѿ пожрѣ-
ти напѣдаа на малое стадо твоѣ, еже оумножъ
Стефане, сіхъ чѣлюсти сокровшѣ.

Стрѣлѣніа младѣнецъ, вѣсѡвъ нахождѣніа, на
тѣа надѣющеса вмѣнѣемъ: тѣмъ бо вѣсть про-
гонитель ѿ намъ покровитель. **Слава:**

Припадаемъ ти стѣ, ѿ ѡбѣмлемъ любовію цѣлѣ-
юще вождѣлѣнныа мѣщи, со слезѣми зовѣще: спасѣ
насъ слѣвне мѣтвами твоими. **И нѣнѣ:**

Чѣдо превеликое, ѿже чѣдна творѣи показà Гдѣ, нескáзанншъ всели́кса во дѣвѣ, и неизречѣнншъ плотоно́сецъ проше́дъ, на спасѣнїе лю́демъ сво́имъ превѣтвеннѣи. **Та́же, Достойно ѣсть: По сѣмъ стѣхѣры гла́съ д. По: И́кшъ дѣбла:**

И́кшъ твѣрда а́дамáнта, всевѣ́женне Стефа́не, соше́дшеса днѣсь восхваля́емъ тà: ꙗ́кшъ напáсти претерпѣ́въ, и смѣ́рть подáлъ еси́ непра́веднѣю: ꙗ́кшъ да сво́имъ даро́мъ сподѣ́битъ тà Хрѣ́тосъ, е́гоже возлюбѣ́лъ еси́ въ цр́кѣи дѣа́дѣмъ, и вѣ́нцѣ мѣ́ченническо́мъ.

И́кшъ оу́тро свѣ́тлѣ́ише терпѣ́нїа свѣ́тлостїю, достосла́вне показáса еси́. тѣ́мже и стека́ются сщѣ́нницы и ца́рїе, ино́цы и мѣ́рстїи, богáтїи и ни́щїи, ковчѣ́гъ припа́дающе стѣ́хъ тво́ихъ мо́щїей, ѡ́свѣ́щенїе прїе́млюще.

Дáлъ еси́ оу́крашенїе Дечáнстѣ́и цр́кви Гдѣ, Стефа́на тво́его оу́гѣ́дника, чѣ́деса содѣ́вающа, и ѿсщѣ́ленїа то́чаща, во сла́вѣ тво́ихъ дарова́нїи, тѣ́мже ти вѣ́твенное смотре́нїе сла́вимъ, И́се всесї́лане, спсе́ дѣшъ на́шихъ. **Гла́ва: гла́съ г.**

Прїидѣ́те празднолю́бныхъ составлѣ́нїа, прїидѣ́те и ли́къ состави́мъ, прїидѣ́те, вѣ́нчани́мъ пѣ́снми

лї

вѣнцѣвъ тезоименитаго Стефана: тогѡ ревнѡюще
ѣже къ Бг҃у любви, и терпѣнїа похваляюще. вои-
стиннѡ во до конца претерпѣвъ въ законѣ Гд҃ни, и
нѡжданнѡ податъ смѣрть рѡками оубійственными,
и къ немѡ возопїимъ: многострадальне и пребл҃женне,
обїтель, юже возлюбилъ єси, въ нейже чтнѣимъ
твоимъ моцѣмъ стати избѡлилъ єси, и стадо, ѣже
собралъ єси, сохрани и покрывай, ѣкѡ имѣа ко
Хрт҃у дерзновѣнїе. **И нѣтъ:**

Безъ сѣмене ѡ вжтвеннагѡ Дх҃а: волею во оца
зачала єси сѣна Бжїа, ѡ оца безъ мтре прѣжде вѣкъ
свѣща. насъ же ради иъъ тебѣ безъ оца бывша плѡ-
тїю породила єси, и млнца млекѡмъ питала. тѣм-
же не престай молаци избавитиса ѡ вѣдъ дшамъ
нашимъ.

Іерліма вѣшнагѡ гражданинъ во градъ долнїй
приходитъ Стефанъ стъ, да ѡ лѣсти сохранитъ
хртїанъ.

Ѡ вси вѣрнїи! нынѣ приходайте, собравшеса
Стефана посѣщайте: слава Бг҃у единомѡ на всакъ
часъ до конца воздадите.

Сербскомѡ родѡ дивнаа похвало, и всѣмъ вра-
гѡмъ чданаа побѣдо, ѡ Стефане, сербскаа славо,
сегѡ дома строителю! помилви всѣхъ насъ.

Имѣа дерзновѣніе вѣліе, проси ѿ Спса смиренномѣ стадо твоемѣ спасѣніа, іакѡ праведнѡ царствовавый, и неправеднѡ пострадавый, ѡ блже!

Фараонітскагѡ немилосѣрдїа, Іилтскагѡ же ѡсловленїа вѣцшаа претерпѣвый, спасай насѣ Стефане, вопїющихѣ ти немолчнѡ: ѡ црю!

Мнози твоегѡ стада рѣтницы праведнѡ тобою казнишася: ѡчи бо имѣтѣ, и не видѣтѣ, а срце ихѣ не чѣвствуетѣ.

Овѣтель Дечанскаа днѣсь вѣголѣпнѡ торжествѣй: въз тебѣ во йма Хртѡво, тѣлеснаа храмїна предивнагѡ Стефана страдалца.

Не забѣди и насѣ вопїющихѣ, и вѣрнѡ послѣжившихѣ ти, оугѡднїче Хртѡвѣ Стефане, но въз мѣтвахѣ своихѣ непрестаннѡ помани насѣ чадѣ твоихѣ.


Агглі и вси архгглі со стѣкимѣ црѣмѣ Стефаномѣ бѣдите намѣ ходатаи ко спсѣ, да спасѣтѣ насѣ ѿ сѣти вражїа.

Хвалїтеся гѡсти дѡма сегѡ, хвалїтеся вси правовѣрнїи людіе, іакѡ ймамы на западѣ свѣтадо свѣздѣ, ѡсіающдо всехѣ правовѣрныхѣ.

Тѣже, трисѣое, по ѡче нашѣ: тропарѣи: Помилуй
насъ Гди: ѿ ѡпѣетѣ.

Конѣцъ ѿ Бг҃а слава.

БИБЛИОТЕКА
НАТАШЕ ОРСКЕ



БИБЛИОТЕКА МАТИЦЕ СРПСКЕ

Р19СрIII 12.1